

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلنی
(۱۳۰) غروشدور.

[نسخه سی ۵ غروش ،
سنه لکی ۵۲ نسخه در ،]


اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسئله موافق آثار مع الممنونیه
قبول اولنور . درج ابدله
یا زیلر اعاده اولونماز .



اخطارات

آدرس تبدیلنده آریجه بش
غروش کوندرا لیدر .

مکوبلرک امضالری واضح
واوقوناقلی اولسی و آبونه صره
نومروسی محتوی بولنمسی لازمدر .

ممالک اجنبیه ایچون آبونه
اولانلرینک آدرس لری نک فرانسه
جده یازلمسی رجا اولنور

پاره کوندرا لیدیکی زمان نه یه دائر
اولدیغنک واضحا بیلا یرلمسی رجا
اولنور .

دینی ، فلسفی ، علمی ، ادبی هفته لق مجموعه اسلامیه در

اتبعون اهدکم سبیل الرشاد

صاحب و مدیر مسئول
اشرف ادیب

باش محرر
محمد طاکف

والله یهدی من یشاء الی صراط مستقیم

بحران اجتماعیمز

مؤلفی: برنس محمد سعید سلیم پاشا

— ۳ —

مریت نسوان:

انحطاط اجتماعیمزك اك مهلك تجلیاتندن بریخده ، تستردن قورتولمق ، صورت دائمده ارککه تماسده بولمق ، احراز حریت و سربستی ایله غرب قادیلری کی یاشامق ایستین دور حاضر قادیلرینک مدعیاتی تشکیل ایدر .

تاهل ایدن قادین زوجك صفت آمریتی طانیق ایسته مدیکی کی ، کنج قیزده ابوتنک وصایت بر درلو تحمل ایدمور . آرتق قادیلر خر اولمق ، ایسته دکاری کی حرکت ایتک ، طرز حرکتی ایچونده کیمسه نك مؤاخذاتنه دوچار اولماق احتراصاتی ایله متحس بولنیور .

بو کی مدعیات و احتراصات نسوانیه نك مشروعیتی قناعتنه بناء ارککک نا قابل تحمل استبدادینه نهایت ویرلک صورتیه قادیلرک مطالباتی اسعاف اولندیجه ، مملکتده مدنیت و ترقیاتک ، حیات اجتماعیه نك ساحه آرای حصول اوله میه جفی تسلیم ایتکی بر وظیفه وجدانیه نك ایفای صورتنده تلق ایدن ارککارده اکسک دکدر .

بویله برذهنیه فریفته اولان ارککلر ، غایه مخیله اتخاذایتدکاری غرب مدنیتک ، هیئت اجتماعیه غربیه ده قادیلرک حائر اولدقاری فائیت موقعیه ایله حریت مطلقه دن متولد اولدیغه قانع بولنیورلر . اگر بو حال موافق حقیقت بولمش اولسه ایدی ؛ تاریخ ملی تکذیب ایدن بزحادثه مهمه تشکیل ایتمش اولوردی . چونکه هیچ برمدنیت بشریه ، هیچ بروقنده حریت نسوانیه ایله باشلامدینی کی بالمله مدنیتلرکده حریت مطلقه و سلطنت نسوانیه ایله محو و منقرض اولدقاری شونات مؤیده تاریخیه جمله سندندر .

هر شینک بر عنصر متمدن اولمق خصصت و استعدادینی حائر بولمنسه نظراً ، قادیلرکده اهمیت فوق العاده یی حائر بر عنصر متمدن اولدقارینه هیچ بر صورتله اعتراض ایدیه من . عادی طاش بیله ، برمکتب و یاخود برخسته خانه انشاسی کی بر صورت مفیده ده استعمال ایدلیدی تقدیرده ماهیتنه کوره مدنیت بشریه یه خادم اولمقدن خالی قالماز . بناء علیه ، هر بر شینک برغایه تمدن و ترقیده استعمالی ، استلزام ایتدیکی وقوف و مهارته متوقفدر .

فقط ذیقیمت بر عنصر مدنیت و سعادت اولان قادیلردن ممکن مرتبه استحصال فوائد طریقنی ، ترک قادیلرینک حریت و سربستیلری مروجلرندن استکناه ایدم بیلیمه من پک شبه لیدر .

اساساً حریت و سربستی طلبی کیفیتی ، مع التأسف دائماً برچوقلری اغفال ایتمشدر . چونکه ، حد ذاتنده دائماً سزاوارتقید و توجه بر حرکت

استحصاله وسیله اتخاذا ایدن ، بونکله برابر بونعمتک کندیلرینه دنیاچه ده برنصیب رفاه تأمین ایتدیکنی اونوتیمان ، کندیلرینه جناب حقک احسان ایتدیکنی کی کندیلرینکده غیره بذل و احسان ایتمه لرینی دینی و وجدانی بروظیفه تلق ایدن ، فرط سامان دولایسیله سعی بالفساد تمایله قایلیمیان کسه لر واردرکه حقیقتده « متقین » و « مفلحین » عنوان تکریم و تجلیلنی آلمغه شایسته اولانلر اولنردر .

« تقوی » لفظنک مدلول حقیقیسی دنیاچه ، آخرتده اذای نفسیه بادی اوله حق حالاتدن اجتنابدر . بونقطه نظریندرکه شرعاً « متقی » کرک فعل ، کرک ترک اولسون عقوبتی مستلزم افعال و حرکت تصدیقندن نفسنی وقایه ایدن کسه یه اطلاق اولنور .

روایت ایدلیدیکنه کوره تقوانک ماهیتی صوران بر ذات ایله ابو هریره رضی الله عنه آره سندم شو یوله بر محاوره جریان نایتمشدر .

— تقوی نه در ؟

— مدت حیانتکده دیکنلی بر یوله دوشدکی ؟

— اوت .

— نه یاندک ؟

— اوکه دیکنلر کلدکجه یولی دیکشیدرم ، یاخود کنارندن صیریلوب بکدم و یاخود کری دوندم .

— ایشته « تقوی » بودر .

افادات سالفه دن آ کلاشیلیرکه حقیقی معناسیله « متقی » فناغه ، کرک نفسنه و کرک غیره ایراث اذایه بادی اوله حق یرلردن قاچینان ، مال و جانی ، عرضی ، ملتی ، مملکتی ، قومشولرینی صیانت ایدندر . بو صایدیغمز شیری ضرر و تهلکیه دوچار ایدن قار باز مسرف ، منافق کروهندن کسه لرله مملکتلرینه خیانت ایدن و بو صورتله دشمنلرینه یارارلق کوسترن سفیللر ایچون قطعاً فلاح مقدر دکدر . بونلر حرکات لثیمانه لری سایه سندم بر درجه یه قدر منفعت مادیه تأمین ایدم بیلسه لرده حیات اخرویه جه شقاوت و خسرا نه محکومدرلر . سعادت آخرت ارباب اتقایه خاصدر .

سوزک خلاصه سی « اتقاء » افعال سیئه یه ترتب ایدم جک کرک دنیوی کرک اخروی مجازاتدن نفسی وقایه (سپر) آلتنه آلمقدرکه آت طرفده کی آیت کریمده کله نك معناسی بووجه له ایضاح و تبیین ایتمکده در .

عبدالعزیز چاوش

مترجمی : محمد شوکت

نجاتکارانه تشکیل ایتدیکی ظن اولنیور . حتی بوکی مطالب ، ادیت ورویتدن استفاده اولنمایان اصحاب اقتدارک حال معطلیتده براقلدینی ، بوسبیلده دائماً برصورت میالغه کارانده اعظام اولنان حصول سعادت مشترکیه خادم برچوق قوتلرک اضاعه سنه محل ویرلدیکی ذهابی تولید ایتدیریور .

حالبوکه بوندن دها یا کاش بر شی اوله ماز . زیرا دها زیاده بر حریته احتیاج حقیقی و قطعی حس ایدنلر ، محتاج اولدقلری سربستی بی بلا تعویض احراز ایدیه بیلرلر . ذاتاً استحصاله احتیاج حس اولنان حریت ، تعلق ایتدیکی سی ایله امکان ایفاسی بیننده کی موازنه بی تأسیس ایچون دائماً کندی کندینه حصوله کلیر . ضربده قادیلرک موقع اجتماعیلری تعین ایله مش اولان جمعیت و سربستی آنجق بوضورتله تحصیل ایتشد .

هیئت اجتماعی مزک حیات زراعیه سنده د ارککلرک حریتیه معادل اولان قادیلرک حریتی ، هیچ بروقت بر کیمسه طرفندن طلب ایدله مشدر . چونکه صفحه حیات زراعی ده قادیلرک ارککلرک ایفا ایتدکلری وظائفک عینی ایفا ایتلری سببیه احتیاج حریت هرا یکی طرف ایچون عین مرتبه ده بولنش اولدیغندن ، حیات روستائی ده کورولن حریت نسوانیه ، ماهیت مساعینک ایجاباتندن اوله رق کندیلکندن حصوله کلشدر .

بناءً علیه ، هیئت اجتماعی مزده ارکک ایله قادیلرک آره سنده موجود اولان عدم تساوی حریت ، قادیلرک ضررینه اوله رق بلا سبب حیز حصوله کلش بر اثر اغتصاب دکلدر . بلکه هیئت اجتماعی مزده ارکک ایله قادیلرک ایفاسیه مکلف بولوندینی وظائفک ماهیت تفاوتی تمثیل ایدن نتایج طبعیه دندر . بوماهیت تفاوتک ده دائماً طبقات اجتماعی نک ایجاباتنه کوره تحول ایتدیکی قضایای مسلمه جمله سننددر .

احتیاجات طائیه چاره ساز اولق اوزره قادیلرک ارکک قدر چالیشدینی فقر اصغرلنده ، بو تفاوت ناقابل تفریق بر حاله بولنیور . طبقات اجتماعی نک مراتب عالیه سنده ده بو تفاوتک تدریجاً تزايد ایله قادیلرک ایشسرلرکینک مرتبه غاییه رسیده اولدینی الک بار صغرلده حد اعظمیسنه ارتقا ایلدیکی کورولنیور .

احوال اجتماعی مزک بو ماهیت الجا آتیه نظراً ، حریت رجلیه یه مساوی بر سربستی بی طلب ایدن قادیلرک ، حقیقی بر حریت احتیاجی بولنش اولسه ، بی چاره چیفتجی قادیلرک احراز سربستی ایتدیرن حقه مماثل بر حق ایله بالطبع استحصال ایدر .

بناءً علیه ، کوپلی قادیلرک نظر تقدیر ایله کورولن سربستینک نسوان سائریه عدم توجیهی کیفیتی ، اسباب جدیه مانعیه مستنددر . بو اسبابدن بری ، سربستی نسوان مروجی بولنان ارککلرله قادیلرک احتیاجاتک ناممحل بر تربیه اجنبیه دن متولد وبوتقظه نظردن محیطمزه نسبه جعلی و غیر طبیعی بولنمیسدر . اساساً بر محیطک ماهیتی نه اولورسه اولسون آنجق تولید ایلدیکی سلسله احتیاجاتی تطمین

ایدیه بیلر . ایشته بوسبیلده قادیلرک مزک احراز سربستی و حریت احتیاجات کاذبه سی محیطمزه تطمین ایدیه مز .

بوندن . ماعدا ، الک اهمیت سزلردن الک وخیم اولانلرینه وارنجیه قدر بالجله سوء استعمالک ، کافه احوال و حرکات افراطکارانه نک کسب لیاقت ایدله مش بر حقندن و یا خود غیر مشروع بر حریتدن متولد بولندینی نظر اعتباره آلدینی تقدیرده ده نسوانیت عثمانیه نامنه درمیان ایدیلن مدعیات و مطالبات حریتکارانه نک اسمانی نه کی بر تهلکلی مستلزم اوله بیله چکی بالسوله تظاهر ایلر .

بو مسئله مهمه حقنده دها واضح بر فکر پیدا ایتک ایچون تدقیقاتک عمومی بر نقطه نظردن اجراسی منتج فوائد اولمش اولور . انسانک وظائف اجتماعی سی بولندینی و وظائف عمومی سی میاننده بووظائفک الک زیاده حائر اهمیت اولدینی اولجه درمیان ایلدک .

وظیفه کله سنی تلفظ ایدن ، حقوق و حریت معنایرینه افاده ایتش بولنیور . بناءً علیه حقوق و حریت سیاسیة نصل موجود ایسه حقوق و حریت اجتماعی ده عینی صورتله موجوددر .

قوانینک حقوق ووظائفدن متولد بولنمی حسیله ، قوانین سیاسیة بو منابعدن نصل تولد ایتش ایسه ، قوانین اجتماعی ده عینی وجه ایله تحدث ایتشددر .

قوانین اجتماعی هیئت اجتماعی بی تشکیل و محافظه ایتدیکی کی ، قوانین سیاسی ده شرائط موجودیتی تنظیم ایله ترقیاتی تأمین ایدر . اجتماعی حریتلرک ماهیت متمایزه سی ، بالخاصه استحقاق اولدقلری نسبتده اکتساب ایدلرندن یعنی بر وظیفه اجتماعی نک ایفاسیه حصوله کله لرندن عبارتدر .

وظیفه اجتماعی حریت اجتماعی بی تولید ایدر . بووظیفه نک ایفاسنده کوستریلن دها بیوک بر قابلیت ده ، دها واسع بر حریتی بخش ایدر . ایشته ، حریت اجتماعی تین و تحقق ایله مش بر اهلیتک نشانه تقدیرینی تشکیل ایتدیکنندن استحقاق ایدلش بولنیور .

بو حکمت بصیرتکارانه اجتماعی ، حریت اجتماعی نک طوغریدن طوغری یه هیئت اجتماعی نک موجودیتیه اجرای تأثیرات ایتسنندن وبوخصوصده ارتکاب اوله بیله جک خطیات ، هیئت اجتماعی نک فلاکتی موجب اوله بیله جک بر ماهیتده بولنمسننددر .

بناءً علیه بو حکمت ، هیئت اجتماعی نک محافظه اجتماعیسنه عائد سوق طبعینک الک جلی تظاهرنی تمثیل ایدر .

سیاسی حریتلرک کیفیت بر عکسدر . بوحریتلرک اکتسابی ایچون کسب لیاقت ضرورتی یوقدر . چونکه فردک فلان و یا فلان شی یامق اقتدارینی جائز اولدیغندن دکل ، بلکه بولنری یابه بیلیمک حق و حریتیه مالک اولق احتیاجی و یا خود آرزوسنی حس ایتسنندن تولد ایدرلر . لکن برشی یامق حریتی اوشی یابه بیلیمک اهلیت و اقتدارینی بخش ایله مز . اولسه اولسه او اهلیت و اقتدارک اکتسابی امکاتی احضار ایدر . فقط بو امکان ده دائماً اهلیت مطلوبه بی تأمین ایتمز . زیرا بو اهلیت و اقتدار

اجتماعیہ دن زیادہ سفاہت پرست برہیت اجتماعیہ دہا واسع برحریتی حائر بولنورلر .

بوکا بناء، برہیت اجتماعیہ دہ قادینک حائر اولدینی درجہ حریت، نہ اوہیت اجتماعیہ نك علوتنی ونہ دہ قادینک قیمت اجتماعیہ سنی تعیین ایتن .

ہر ایک سنیك قیمت وماہیتی تقدیر ایچون بیلیمسی لازم اولان شیك، بوحریتك نہیہ مقابل استحصال ایدلمش اولدیغك، یعنی فضیلتك می یوقسہ سفاہتک می مکافاتی بولندیغك اوکرہ نیلمسیدر .

بو تفصیلاتدن، نسوانیتنك مطالبات حریتکارانہ سنیك ماہیت ومعنای حقیقیسی واضح بر صورتدہ آکلاشیله بیایر .

آرتق شمدی نسوانیتك برحریت اجتماعیہ طلبی کیفیتی، اوحریتہ مستحق اولمادیغہ دلیل قطعی تشکیل ایتدیکی کی، نسوانیتنك مدعیاتك دہ سیاسی واجتماعی حریتلرک التباسدن متولد اساسن برادما اولدیغہ تردد ایدیلہ من .

مدعیات نسوانیہ مزہ پیرو اولان آوروپا مدعیات نسوانیہ سی برطاقم حقوق سیاسیہ طلبندن عبارت بولندیغی حالہ، مدعیات نسوانیہ منك ماہیتی اجتماعی اولدینی ادراک اولنہ مامشدر، ایشته التباسدن متولد ادعاہ بوندن حصولہ کلشدر .

نسوانیتك ہیئت اجتماعیہ عثمانیہ دہ حصولہ کان تحولاتی تدقیق اولندیغی تقدیردہ صوك الی سنہ طرفندہ پك زیادہ پیدای وسعت ایتدیکی کورولور .

ہر حالہ زماننك نسوانیتی عمومیت اوزرہ الی سنہ اولکی روش سربستیسہ نسبتہ دہا بیوک برحریتدن مستفید بولنیور، فقط موضوع بحث اولان بوحریت، کیزلی بر صورتدہ آوروپالی قادینی کی امرار حیات ایدن زمرہ نسوانك حریتی دکل، الیوم ہیچ بر صورتلہ اتہامات وتعمیضاتی مستلزم اولمایان حریت مسلمہ در .

حریت نسوانیہ نك شیمدیکی درجہ سی مستغنی ایضاح اولدینی اوزرہ روش جدید حیاتك ایجاباتندن متولد افکار وحسیانك نتیجہ تکاملندن بشقہ برشی دکلدر .

بوحریت، مدعیات نسوانیہ عذاب ایدیلہ من . چونکہ اولجہ بوکی مدعیانك ہیچ بری موجود دکلدی .

شمدیکی حریتك محصلی اولان تکامل اجتماعیہ جریان طبیعیسنی تعقیباً نسوانیتہ دہا واسع برحریتی البتہ تأمین ایدہ جکدر . مع مافیہ بوتکامل اوحریتی ہر صفحہ سیلہ قابل تألیف بر صورتدہ، یعنی ہر نسلك سویہ استحقاقی مرتبہ سندہ تحدید ایلہ برابر، انسال مستقبلہ بی تمثیل ایدہ جك اخلاق و ذہنیہ توفیق ایلہ جکدر .

بناء علیہ الجاآت زمانہ تقدم ایلہ ہیئت اجتماعیہ عثمانیہ دہ بونکوندن اعتباراً نسوانیتك تعیین شرائطی، یعنی نسوانیت غریبیہ معادل ومائل بر حالہ کیفی بر صورتدہ تحویل ایتك امل و آرزوسی، دائرہ حقوق

یا اکتساب ایدیلہ بیایر و یا ایدیلہ من . اکتساب اولندیغی تقدیردہ استحصالی ایچون صرف اولونان وقت طرفندہ، آزچوق کیفی بر صورتدہ استحصال ایدیلہ بیلیمش اولان حریت بر جوق سوء استعمالہ سبیت ویرمش اولور . اکتساب اولنہ مدینی تقدیردہ دہ بوحریت ضایع اولور .

سیاسیات، ہیئت اجتماعیہ نك انجق صورت و شرائط موجودیتنہ تعلق ایتدیکندن، سیاسی حریتلرک سوء استعمالی، ہیئت اجتماعیہ نك موجودیتنہ طوغریدن طوغری بہ اجرای تأثیر ایتن . بناء علیہ اجتماعی حریتلر درجہ سندہ ایقاع تأثیرات ماہیتندن بالطبع عاری بولنورلر .

بوندن بشقہ بر ہیئت اجتماعیہ وظیفہ اجتماعیہ سنی بحق ایضایہ مقتدر بولندجہ سیاسی سوء استعمالدن حاصل اولان مضراتی دفع ایدہ بیایر .

حریت سیاسیہ، مستغنی استحقاق بولندیغندن جبر و قوتلہ استحصال اولنور . بناء علیہ جبر و قوتلہ استحصال اولان ہر شی کی، بعضلرک منفعتنہ و بعضلرک دہ ضررینہ اولہرق استحصال اولور . ایشته تاریخ ملاك قید ایتمکدن خالی قالمادیغی سیاسی مجادلات ایلہ عکس تأثیرلر، حریت سیاسیہ نك بو ماہیتندن متولددر . حالبوکہ انسانلرک اجتماعی حریتلرندن کین و نفاقك تولدینہ دائر بر مثالہ تصادف اولماز .

بالعکس اجتماعی حریتلر دائماً انسانلری بر برلرینہ ربط ایتمش، سیاسی حریتلر دہ یکدیگر لرندن تفریق ایلہ مشدر .

الحاصل بو تفصیلاتدن، اجتماعیاتدہ وظیفہ نك حریتی، سیاسیاندہ حریتك وظیفہ بی تولید ایتدیکنی استنتاج ایلرز . اساساً حریت اجتماعیہ نك استحقاق اولنمش بر شی اولدیغی، حریت سیاسیہ نك دہ اکثریا محتاج استحقاق بر حالہ قالمادیغی کورمکدہ یز .

اجتماعیاتدہ دہا بیوک براہلیت دہا واسع برحریتی تأمین ایتدیکی حالہ، سیاسیاتدہ استحصال اولنان دہا بیوک بر حریت، دہا بر جوق وظائف سیاسیہ نك ایضاسی مستلزم بر تہمد و مجبوریت تشکیل ایدر . ایشته کورولنیور کہ اجتماعی و سیاسی حریتلر بینندہ موجود اولان فرق، اصلی واساسیدر . بواکی نوع حریت بینندہ وقوع بولہ جق بر التباس، عمیق، ناقابل اصلاح خطیثاتہ منجر اولور .

وظیفہ اجتماعیہ کلنجہ، ہیأت اجتماعیہ نك ردائت و یا صلابت اخلاقیہ سنہ کورہ پك متنوع اولہ بیایر، فقط حریت اجتماعیہ نك مستند بولندیغی قاعدہ، ماہیت اساسیہ سی کی لایتغیردر .

بناء علیہ، ہیئت اجتماعیہ قادیندن دلفریبانہ معاملہ لر، اکلنجہ لر، محظوظیتلر طلب ایدہ بیلہ جکی کی، اوصاف اخلاقیہ وفکریہ ایلہ فضیلتی دہ طلب ایدہ بیایر .

آنجق اخلاقیاتی مختل، سفاہت پرست بر ہیئت اجتماعیہ احتیاجاتنك تطمینی، حائر جدیت و صلابت، فضائل پرور بر ہیئت اجتماعیہ احتیاجاتنك تطمینندن دہاسہیل بولندیغی جہتلہ، قادینلر جدی بر ہیئت

عدم موافقتدن، آرزو لرینی اسعاف ایتک ایسته مه مسندن متأثر بولندیغنی کور مکده یز .

مملکتک الله ملک بر بجران نادیده نی کچیر مکده بولندیغنی بر زمانده بیله افکار عمومییه مخالفتدن ، علمینده استعجاب ایتدیکی تقییح عمومییه ، افکار وحسیانده ایقاع ایتدیکی شورشه هیچ براهیت ویرمه مکدن عادتاً ذوقیاب اولیور .

تلقیناتی تعمیمه ، افکارینی کرک سینئه مأزاده و کرک خارج مأواده ایسته دیکی کی تطبیق و اجرایه هیچ برشی مانع اولمه یور .

نسوانه کیدیردیکی البسه ، اتحاد ایتدیردیکی خط حرکت ، استخفاف ایله مالامال بر پرواسزلق ، عفت و تربیه حسیانته قارشنی علنی برحقارت کورن حسیات عمومییه بی صوک درجه اغضاب ایدیور .

فردک برنجی وظیفه اجتماعیه سی ، ارادت اجتماعییه حرمت و رعایت اولدیغنی ، هیئت اجتماعیه نک قواعدینی ، عنعنه سی ، انتظامی ، حقوقی اخلاص صورتیه بر جرم اجتماعی ارتکاب ایدلرک مجازاتی استلزام ایلدکرندن نسوانیت بی خبر کی کورونیور .

نسوانیت طرفدارانمزلک امثالنه تبعاً برزمره افراد ، قوانین مملکتک پک حق سر و یا خود پک شدتلی اولدینی بهانه سیله اطاعتدن بالانحراف مزاج و تمایلنه کوره تنظیم ایده جکی قوانینک غیری قوانینه رعایت ایتیه جکی ادعاسنه قالدیشمش اولسه ، طرفداران نسوانیت بویله بر ادعایی عجبا نه صورتله تلقی ایدر ؟ ...

بویله بر زمره نک استحقاق ایتش اوله جنی مجازاتی اجرا حقنی قوه عمومییه قارشنی رد ایله قوانین موجوده بی ذهنیتنه و یا خود نقطه نظر خصوص صیسنه کوره تبدیل ایده بیلمسی حقنی توجیه ایدرمی ؟

الیوم جاری اولان احوال دن سطحی نظر مدققلرک هیئت اجتماعی عثمانیه نک تجدیدات نسوانیه یه - بعضلرینک ادعای ایتدیکی قدر - معارض اولدیغنه ذاهب اوله بیلملری محتملدر . حتی بوتجدداتک دوچار اولدینی اعتراضاتک بعض مفرط کهنه پسندلرک سریع الزوال اثر مخالفتلرندن بشقه برشی اولدیغنه ده قانع اوله بیلملر .

فقط حقیقت حال ، ظن اولندیغنی غیری بر جدیت مهمه بی ، بر ماهیت حزن آ کینی متضمندر . چونکه جمعیت حاضره عثمانیه نک اکثریت عظیمه سی قلباً ، فکره تقبیح ایتدیکی تسویلات نسوانیه یه شدتله مخاصمدر . آنجق بوبدبخت هیئت اجتماعی ، اعضای مخالفه سی ارادته انقیاد ایتدیرمه جک درجه ده هرج و مرج و متزلزل بر حاله بولنیور .

هیئت اجتماعی عثمانیه نک دوچار اولدینی عدم انتظام و تشوش ، قوه تأییدیه سی اضاعه ایتدیرمشدر . اجرای حکم ایدن سرکشک سائقه سیله ، فردک سوء حرکتنه هیچ برشی مانع اوله مدینی کی ، مخالفتده بولنلری ده آرتق هیچ برشی بر دأره اطاعته سوق ایده میور . نسوانیت عثمانیه تعیر اولنان هویت ، حقیقت حاله انحلال اجتماعیمزک باشلیجه تجلیاتندن برینی تشکیل ایدر . اجتماعی قوه تأییدیه

و صلاحیتی تجاوز ایدن خود دینانه بر سوء حرکتدن بشقه برشی دکلدرد . فردک الکادی وظائف اجتماعیه سی ادراک و ایفادن عاجز بولندیغنی بر زمانده ، علی الخصوص هیئت اجتماعیه نک مرتبه غایبه یه منجر اولان انحلالی صره سنده ارتکاب اوله جق بویله بر سوء حرکتک نه کی بر قتالنی انتاج ایده جکی بالسهرله آکلاشیله بیلمر .

اک مهم مسائلک بیله دائماً عقللره صیغماز بر خفته حل و تطبیق کیفیتک استقبال ملیزمی پک زیاده اشکال ایتش بولنمی ، موجب انتباهز اولمیدر .

آرتق بودفعه ده عین صورتله قوه خیالیه غیر سالمه مزک سریع التبدل هوسات مضره سی نظمینه تشبث ایدرسه ک ، اساساً احیایه مقتدر اولدق لرینه ذاهب اولانلرک لاینقطع ارتکاب ایتدک لری لایعد خطایک ثقاتی آلتنده متزلزل اولان موجودیت اجتماعیه مزه بر ضربه مهله که ایراث ایتش اولورز .

نسوانیتمزک مدعیاتی ، حرمی بالالغا ارکک ایله قادین آره سنده جمعیات ضریبه یه مائل تأسیس تماس و مناسباته معطوف بولندیغندن بومدعیاتک منحصرراً اجتماعی اولدیغنه شبهه ایدیه مز .

یوقاریده ایضاح اولنان اساساته استناد ایدرک دیرزکه ، بوتماس و مناسباتی ، احتیاجات حقیقیه اجتماعیه ایجاب ایتدیرمش و هیئت اجتماعی حاضرده بواحتیاجاتک نظمینه متوقف اهلیت کافیه بی احراز ایله مش بولنسه ایدی ، نسوانیتک مناسبات جنسین بیننده اجرا سته خواهشکر بولندیغنی انقلاب کندیلمکندن حصوله کلش اولوردی .

بویله اولوبده الیوم مدعیات حالده بولنمی ، لزوم سر و غیر مستحق اولدیغنه دلیلدر .

اوحالده نسوانیت ، هیئت اجتماعیه دهها بیوک بر سعادتک مدار تأمین اوله جنی ذهابیلله حقوق جدیده نک اسعافی طلبنده بولنیور . حالبوکه بر هیئت اجتماعی ، استحقاق ایدلش اولان ، حقوقک غیرینی اصلاً تصویب و اسعاف ایله مز .

بناء علیه ، هیئت اجتماعیه مز بوکون بومطالبی رد ایلمکله ، مدافعه مشروعیه حسنیه تبعیتدن واک زیاده ناقابل تعریض اولان حقوقنی استعمالدن بشقه برشی یا یتش بولنیور .

هیئت اجتماعیه نک اکثریت عظیمه سی بومدعیاتک موجودیت اجتماعیه یه تهلکیه دوچار ایده جک بر ماهیتده بولندیغنه ذاهب اولدق و اجتماعی و اخلاقی ذهنیتلرینه ، حسلرینه ، فکرلرینه ، عنعنه لرینه مابین کوردکجه رد ایتک اضطرارنده بولنه جنی کی بو طرز حرکتی ایله ده وظیفه سندن بشقه برشی یا یتش بولنیه جقدر .

هیئت اجتماعی عثمانیه ذهنیتلرینک ، فکرلرینک ، حسلرینک ، تعیری و یا تبدیلی منحصرراً علماسنه ، حکماسنه ، اجتماعیات منتسبلرینه عاید بولندیغنی نسوانیتمزک معلومی بولنمی لازم کلیر . بوکابناء ایسته دیکی حقوقی رد ایله نصایح و اخطارانه بر حسن قبول کوسترمه یه هیئت اجتماعیه متحیر و منفعل بولنمایی ایجاب ایتدیکی حایده ، افکارینه

آرتق علمك واسطه، تربيه نك ده غايه اولديني بيلنمليدز. بو غايه دن مقصوده، افكار انتظامكارانه، ابتلاي مساعي ووظائف شناسانه هنرم و ثبات تغيرناپذيرانه ايله مشحون، منور، فضائل پرور و ايماني قوي عثمانلير يتيشدير مكدور.

هيئة اجتماعية منتظمة بي، فضائل وكمالات اخلاقيه بي حائزانسانلر تشكيل ايتديكي كي، ملل مسعوده و ذي سطوتي ده هياة اجتماعية مكمله تشكيل ايدر.

سرك

خرستيانلق نظرنده اسلام

— ۴ —

قرآنك تثلث عقیده سنه قارشى حجتلىرى

تمهيدآزمه شو برقاج سوزله ختام ويره رك اصل مقصوده كيريشه لم: جناب حق بيلوردى كه واحدك فرديتيله ثلاثه نك تعددى فرق ايتيان، خالق ايله مخلوق، حديث ايله قدیم آره سنده كي ضدیته عقل ايرديره میان زمین و آسمان ملك يمين قدرتی اولان برقادار قاهرله چارطاق آلتنده اويويك، صلب اولمق قورقوسيله فریاد و اوایلایدن عاجز بر مخلوق آره سنده كي تفاوتی تمیز ایدم بيله چك قدر سلامت فكره مالك اوليان كسه لره خطاب لازم ایسه قابیلترینك فوقه چیقیمه جق، مال و حقیقی احاطه دن عقللری عاجز قالمیه جق حکیمانه اسلوبلره خطاب ایدمك لازم کیر. دعوت واقعه یه قارشى معاند و مخاصم بر طور آلله لرینه میدان ویرمامك ایچون بوکیلرله اکلایه بيله چكلىرى، بيكانه قالمیه چكلىرى بر اسلوب ولسان ايله سويلشمك مقصوده موفق اولمق ایچون اك كوزل بر طریقدر.

تاریخ اسلام بزه كوستریيوركه آیات قرآنيه آره سنده او، كندینه مخصوص اسلوب وادالریله تجلی ایتمكده اولان دعوت محمدیه خصملىری یوله كتیرمك و اونلری اعتقادات باطله لرندن آیرمق خصوصنده، یونان فلسفه سنك عربجه یه نقلیه اصول بحث و مناظره معین بر شكله كیردكدن صكره مذاهب اسلامیه اربابنك مراجعت ایتدكلىرى منطق اسلوبلر دن چوق فضله موفقیت كوسترمشدر. اوت، بو مذاهب اربابی آره سنده تحدت ایدن منازعه و مجادله لره، اونلرك استناد ایتدكلىرى حجت و برهانلرك ماهیتلرینه منصفانه بر نظر عطف ایدیلرسه آكلاشیلر كه قواعد منطقیه نك قید ایتدیكى اساسانه استناد موجود بر اختلافی ازاله، خصمك ایراد ایدمككى بر حجتی ابطال ایتك شویله طور سون بالعكس نهایتسز نزاعلر، اختلافلر تولید ایتمكده در. بز او قناعتده یزكه یونان مالی اولان منطق،

نك ضعفندن تولد ایتمش اولان مدعیات نسوانیه، آنجق بوضعفك الجا آتیه محافظه موجودیت ایدیور ومنشأ غیر مشروعی كتم و اخفا مقصدیله انسوانیت غریبه دن متولد بولندینى ادعا ایلرور.

نسوانیت حاضریه قارشى افرادك حسیات منفعلانه سنی اظهاره قانون قورقوسی مانع بولمسه ایدی، قوه تأییدیة اجتماعیه نك فقدانیه مقابل فردی قوه تأییدیة کال شدتله تظاهر ایتمكدن خالی قانازدی. بناء علیه هر ایكى قوه تأییدیة دن عاری قالان هیئت اجتماعیه عثمانیه، نسوانیتی ارادته انقیاد ایتدیرمك، كندیسنی اعضای مخالفه سنه قارشى مدافعه ایلر مك خصوصنده قوه اجرائیه سنك مظاهرت و مواوتفی طلب ایتك اضطرارنده بولنیور.

حالبوكه بر وظیفه اجتماعیه آنجق بر واسطه اجتماعیه ایلر اجرا اولنه بیایر. بوسبيله قوه اجرائیه هر نه وقت حرکات مطاوعت شكخانه اجتماعیه بی مأمورینی واسطه سيله اصلاحه تشبث ایتمش ایسه، عدم ممنونیت عمومیه بی تربید ایتمش و بو حالده ده نسوانیت کمال مهارتله استفاده ایلر مشدر.

بناء علیه، بو واسطه ایلر اجتماعی بر فئالق زجر ایدمك ایسته نیلیركن، فرق و اراقسزین تأیید و تقویه سی جهته کیدلمش اولدینی تجارب عیدمه ایلر آكلاشلمشدر.

مع مافیه بر تهلكه اجتماعیه مواجیه سنده مداخله احتیاجی حس ایتمی طبیعی اولان قوه اجرائیه نك لا قید قلامیه جنى بك بدیهیدر. فقط بو مداخله اجتماعی وسائط ایلر مثلاً و طنداشلرینك حرمتی، اعتمادی، رعایتی احراز ایدم بیلان و هیئت اجتماعیه قارشى مدافعه و ارشاد وظیفه سنی درعهده ایلر بيله چك اولان قادین و ارکكاردن مرکب بر مدافعه اجتماعیه هیئتك تشکلی ترغیب و تشویق صورتیله وقوع بولمیدر.

قوه اجرائیه نك استعمال ایتمی لازم کن دیگر بر واسطه ده وجدان عمومی بی وعظملر، خطابه لر، رساله لرله تنویر ایتك، عدم انتظام اجتماعی سائقه سيله وطن عثمانینك معروض بولندینى تهلكه کی آكلاتمق و موجودیت ملیه مزى تخریب ایدن حرکات مطاوعت شكخانه یه نهایت ویرمك احتیاجك تمامی اهمیت و مستعجلیتی افهام ایتمكدن عبارتدر.

چونكه بواجتماعی تهلكه کی احداث ایتمش اولان لایعنه خطیئات ازاله ایدمكجه، هیئت اجتماعیه عثمانیه ایلر برابر وطن عثمانی بی ده مصائب مدهشیه سور و كله بن حرکات کیفیه و غندییه، افساد و اخلال اخلاق مؤثرانه قارشى كوسترییان حالت لا قیدانه جریانیه نهایت ویرمك ممکن اوله میه چقدر.

خاتمه

هیئت اجتماعیه عثمانیه نك تمامی قدرت و زندگیسنی اکتساب ایدم بیلیمسی، مزایای اخلاقیه نك مزایای علمیه یه، فضیلتك معلوماته، تربیه نك علمه ترجیح ایدلمسه متوقفدر.